

جریده علمیہ

مشیت جلیلہ اسلامیہ نکتہ جریدہ رسیہ سید

ذی القعدہ ۱۳۳۶

عدد: ۳۷

آیدہ بر نشر اولور

در دینی سنہ

جلوس میامن مانوس جناب خلافتناهی مناسبت جلیله سیله باب عالی یه
شرف ورود ایدن خط هایون

« وزیر معالسمیرم محمد طلعت پاشا »

« برادر مکرم سلطان محمد خان خامس حضرتلرینک ارتحال دار نعیم ایلرینه »
« مبنی جناب واهب الملکک اراده ازلیه سیله قانون اساسیمز احکامنه توفیقاً اجداد »
« عظامز تختہ جلوسمز وقوعبولدی . »

« سزک درکار اولان رویتکیزه ودولتجه سبق ایندن خدمات صداقتکارانه کزہ »
« بناءً مسند صدارت عہدہ کزہ ومقام مشیخت اسلامیہ دخی موسی کاظم اقدی »
« عہدہ سنہ ابقاء وتجدیداً توجیه ایدیلہ رک تشکیل اولنان هیأت جدیدہ وکلا تصدیق »
« هایونمزہ اقتران ایلش وسائر بالجلہ مأمورین وحکامده یرلرنده ابقا وتقریر قلنمشدر . »
« خاقان مغفورک سلامت دولت وملتک یکانہ استنادکاهی بولنان اصول مشروطیتک »
« تأسسس واستقراری ایچون مصروف اولان وجهلہ نک خاطرہ شکران ومنتندہ منقوش »

« بولنان همتلرینی بوراده یاد و تذکار ایلر و اخص آمال و افکار منی احکام شرعیه منک »
« وقانون اساسیمزک تماماً اجرای تطبیقی بولندیغنی بیان ایدرم . »

« تأمین بقا و موجودیت مقصدیله اشتراك ایتمش اولدیغمنز حرب عمومی نی موفقیتله »
« انتاج ایدمه بیلیمک اوزره بالجمله قوای ملنک توحیدی اقدم و ظائف اولدیغندن بوغایه »
« وصول ایچون توزیع عدالت و تقریر امن و انضباط خصوصنده تزیید مساعی و غیرت »
« ایدلمکله برابر اداب حقیقیه اسلامیه و وقار و حیثیت عثمانیه نك محافظه سنه اهتمام قلمسی »
« و احوال حاضره نتیجه سی اوله رق حصوله ککن غلای اسماعیل پاشیه اهلنک دوچار »
« اولدینی احتیاج و ضرورتک ازاله سی ایچون تدابیر سریعه و مؤثره اتخاذی و بحرمین »
« سیاسیه دن محبوس و یا موقتاً منفی بولنانلردن اصلاح حال ایدنلرله جرائم طایفه »
« اصحابندن ثلثان مدت جزائیله لرینی اکمال ایدیلانلرک عفو اولنق اوزره دفترلرینک »
« تنظیم و تقدیمی و مناطق حربیه نك غیری محملردن اداره عرفیه نك رفعی ضمنده »
« مناطق مذکوره نك هیأت و کلامزجه بالتعین برآن اول عرضی و بو محملر دیوان »
« حرب عرفیلرنده رؤیت ایدلمکده اولان امور جزائیله نك ده محاکمه سوقی و استحصالات »
« مملکتک تکثیریه احوال اقتصادی منک اصلاحنه بالخاصه اعتنا ایدلمسی مطلوب عجزدر . »

« دولتمزک سلامت و تزیید شان و قدرتی و مملکتیمزک الحآت زمان و مقتضیات »
« مدنیه کوره حصول ترقیاتی ضمنده عون حقه و امداد روحانیت حضرت پیغمبری به »
« مستنداً واقع اوله حق مساعیمزه و کلامزله مجلس عمومی ملیمنک و بالجمله مأمورین »
« بحکومتیمزک احوال حاضره نك اهمیت فوق العاده سنی پیش نظر حیت و عبرته آله رق »
« او نسبتده بذل معاونت ایدمه جکلیرینه وثوق و اعتماد برکالدر . »

« سلف محترمک دول مرکزیه و قومشومنز بلغارستان ایله اتفاق و ادامه حسن »
« مناسبت خصوصنده کی سیاسی منافع حقیقیه مملکتیه بالوجوه موافق اولنقله دول »
« مشارالیه دولتمزک بیننده تیمناً موجود روابط اتفاقیه و مناسبات صمیمیه نك تشدید »
« و توثیقه صرف مزید غیرت اولنقی نخبه مقاصدمدر . »

« حرب حاضرک زمره اتفاقیه منک مظفریت کامله سی ایله رسیدۀ حسن ختام اولمسی »
« الطاف صمدانیه دن مأمول اولوب بونتیجه خیر به نك صورت پذیر حصول اوله بیلیمسی »
« ایچون قوای بریه و بحریه منک محوم جهله لرده کما کان ابراز و ابذال شهادت و شجاعت »

« ایدہ جکری وجہہ آرقہ سنده کی افراد ملتک دخی عزم فدا کار سنده ثبات ودوام »
 « ایلہ جکی نزد صرہ شہہ دن بریدر . همان جناب حق جملہ منری مظهر توفیقات »
 « بیورسون آمین بحرمة سید المرسلین . »

۲۹ رمضان ۱۳۳۶ ۸ تموز ۱۳۳۴

محمد وحید الدین

*
* *

ہیات وکلا

« موجبہ اجرائی »

محمد وحید الدین

صدارتہ انضماماً و ابقاءً محمد طلعت پاشا	داخلہ نظارتہ
مشیتہ انضماماً و ابقاءً موسی کاظم افندی	اوقاف ہایون نظارتی وکالتہ
ابقاء انور پاشا	حربیہ نظارتہ باش قوماندانلق وکالتی انضمامیلہ
ابقاء جمال پاشا	بحریہ نظارتہ
ابقاء احمد نسیمی بک	خارجیہ نظارتہ
ابقاء خلیل بک	شورای دولت ریاستی انضمامیلہ عدلیہ نظارتہ
ابقاء جاوید بک	مالیہ نظارتہ
ابقاء علی منیف بک	معارف نظارتی وکالتی انضمامیلہ نافعہ نظارتہ
ابقاء مصطفی شرف بک	تجارت و زراعت نظارتہ
ابقاء حسین ہاشم بک	پوستہ و تلغراف و تلہ فون نظارتہ

ہیات جدیدہ وکلا بروجہ بالا تشکیل فلتمش اولدیقندن مقرون ارادہ مکارم عادہ
 حضرت شہریاریلری بیورلدینی حالہ اشبو تقریر بندکانہم بالاسی مبارک خط ہایون
 شوکت مقرون جناب ملوکانہ لرلہ توشیح بیورلمشی خصوصندہ وقاطبہ احوالہ امر و فرمان
 حضرت ولی الامر افند منکر .

۲۷ رمضان ۱۳۳۶ ۶ تموز ۱۳۳۴

صدر اعظم قولاری

محمد طلعت

محمد وحید الدین

داخلیہ نظارتہ استقہولم سفیر سابقی اسماعیل جانبولات بك تعیین اولنشدرد
بو ارادہ سنہ ۱۳۳۶ شوال ۷ : ۱۶ تموز ۱۳۳۴

صدراعظم

محمد طلعت

★
★ ★

محمد وحید الدین

معارف نظارتہ دوكتور ناظم بك تعیین قلمشدر .

بو ارادہ سنہ ۱۳۳۶ شوال ۱۱ : ۲۰ تموز ۱۳۳۴

صدراعظم

محمد طلعت

★
★ ★

محمد وحید الدین

باش قوماندانلق وکائی عنوانی باش قوماندانلق ارکان حربیہ ریاستی نامہ تحویل
ایدلشدر . وظائفی کماکان داماد شاهانہم ویاور خاصم امور حربیہ منظر ناظری برنجی
فریق انور پاشا طرفندن ایفا ایدیلہ جکدر .

۱ ذی القعدہ ۱۳۳۶ ۸ اغستوس ۱۳۳۴

داماد ویاور خاص حضرت شہریاری

حربیہ ناظری

انور

صدر اعظم

محمد طلعت

